



NEZAVISNI ODBOR

Na osnovu člana 36. tačka (a), člana 38., člana 40. i člana 42. Zakona o unutrašnjim poslovima („Službeni glasnik Unsko-sanskog kantona“, br. 13/16, 16/17 i 8/24), člana 59. Zakona o policijskim službenicima („Službeni glasnik Unsko-sanskog kantona“ br. 14/06, 5/08, 3/14, 31/18 i 8/24) i člana 8. Zakona o ministarskim, vladinim i drugim imenovanjima („Službene novine Federacije Bosne i Hercegovine“, br. 12/3, 34/03 i 65/13) i Odluke o pokretanju procedure, broj: 02/12-45-22-4/24 od 27.05.2024.godine, a u vezi s članom 11. Poslovnika o radu Nezavisnog odbora, broj: 02/12-45-12-5/24 od 20.03.2024.godine, Nezavisni odbor utvrdio je tekst konkursa na 9. sjednici, održanoj dana 03.06.2024. godine i r a s p i s u j e:

KONKURS

za izbor direktora Uprave policije Ministarstva unutrašnjih poslova Unsko-sanskog kantona na mandatni period od 4 (četiri) godine

I OPIS POSLOVA DIREKTORA UPRAVE POLICIJE

U rukovođenju Upravom policije, direktor Uprave policije obavlja sljedeće poslove:

- a) predstavlja upravu policije;
- b) nadgleda i usmjerava aktivnosti Uprave policije kojom rukovodi u skladu sa prioritetima koje odredi Vlada Kantona, uz konsultacije sa ministrom;
- c) samostalno planira, upravlja, nadgleda i usmjerava cjelokupni operativni rad Uprave policije;
- d) neposredno rukovodi policijom, organiziranjem, objedinjavanjem i usavršavanjem rada Uprave policije;
- e) odlučuje u upravnim stvarima iz nadležnosti Uprave policije;
- f) donosi podzakonske propise na koje je ovlašten zakonom i vrši izmjene ili dopune istih, te dostavlja ministru nacrt i prijedloge propisa ili izmjene i dopune propisa iz djelokruga rada Uprave policije;
- g) odlučuje o zasnivanju radnog odnosa i prestanku radnog odnosa kao i o pravima, obavezama i odgovornostima iz radnog odnosa policijskih službenika, državnih službenika i namještenika uposlenih u Upravi policije u skladu sa zakonima i

- propisima kojima su uređena prava, obaveze i odgovornosti policijskih službenika, državnih službenika i namještenika iz radnog odnosa;
- h) odlučuje o disciplinskoj odgovornosti policijskih službenika za lakšu povredu službene dužnosti;
 - i) priprema prijedloge potrebnih finansijskih i drugih sredstava za rad Uprave policije;
 - j) odlučuje o korištenju sredstava i vrši nabavku opreme i materijalno-tehničkih sredstava u skladu sa namjenom odobrenih sredstava na budžetskoj poziciji Uprave policije;
 - k) u skladu sa nadležnostima Uprave policije iz člana 23. Zakona o unutrašnjim poslovima Unsko-sanskog kantona donosi odluke o utrošku odobrenih finansijskih sredstava potrebnih za rad Uprave policije, odgovoran je za utvrđivanje obaveza u vezi sa platama i naknadama uposlenih, doprinosima poslodavca i ostalim doprinosima, troškovima za robe, usluge i nabavke sredstava za redovan rad u skladu s odobrenim budžetskim sredstvima za Upravu policije i računovodstvenim politikama korisnika budžeta i Trezora Kantona i odobrava isplatu finansijskih sredstava u okviru odobrenih sredstava dodjeljenih Upravi policije, te priprema izvještaje i preporuke u vezi sa budžetom, operacijama i zaposlenim;
 - l) priprema tromjesečne izvještaje i preporuke u vezi sa realizacijom budžeta, koje podnosi ministru;
 - m) predlaže ukupan broj uposlenika u Upravi policije;
 - n) obrazuje stručne komisije i odgovarajuća radna tijela;
 - o) utvrđuje potrebe, određuje i implementira programe stručnog osposobljavanja i usavršavanja uposlenika Uprave policije;
 - p) organizuje jedinstven sistem izvještavanja i obrade podataka neophodnih za vršenje nadležnosti Uprave policije
 - r) raspisuje kantonalne potrage i oglašava raspisane potrage;
 - s) osigurava saradnju sa drugim policijskim organima i agencijama za sprovođenje zakona u Bosni i Hercegovini, te saraduje sa tužilaštvima, sudovima i drugim nadležnim pravosudnim organima u pitanjima iz nadležnosti Uprave policije;
 - t) priprema programe, informacije, analize i druge materijale iz djelokruga rada Uprave policije na zahtjev ministra, Vlade Kantona ili na vlastitu inicijativu;
 - u) redovno izvještava ministra o poduzetim aktivnostima Uprave policije, a odmah po događajima i rezultatima poduzetih aktivnosti koje imaju značaj za sigurnost građana i interese Kantona, što će ministar bliže urediti posebnim općim aktom u saradnji sa direktorom Uprave policije;
 - v) najmanje jednom mjesečno izvještava Nezavisni odbor o rezultatima rada Uprave policije i stavlja na raspolaganje sve tražene podatke i dokumentaciju iz nadležnosti rada Nezavisnog odbora;
 - z) obavještava javnost o radu Uprave policije;

- aa) podnosi informacije i statističke podatke Federalnom ministarstvu unutrašnjih poslova, u vezi sa poslovima iz zajedničke nadležnosti Kantona i Federacije Bosne i Hercegovine, kao i poslova iz nadležnosti Federacije Bosne i Hercegovine koji su povjereni Ministarstvu;
- bb) odlučuje o načinu osiguranja određenih ličnosti i objekata;
- cc) vrši druga ovlaštenja koja su mu Zakonom o unutrašnjim poslovima Unsko-sanskog kantona i drugim propisima data u nadležnost.

Mandat direktora Uprave policije traje 4 (četiri) godine i može se obnoviti samo jednom uzastopno.

II USLOVI ZA RADNO MJESTO DIREKTORA UPRAVE POLICIJE

Za radno mjesto direktora Uprave policije, kandidat mora ispunjavati sljedeće uslove:

- a) da je državljanin Bosne i Hercegovine;
- b) da je zdravstveno sposoban za vršenje poslova;
- c) da ima VII stepen stručne spreme ili 240 ECTS studijskih bodova;
- d) da ima čin glavnog inspektora ili viši čin;
- e) da mu nije pravomoćnom presudom izrečena krivično-pravna sankcija;
- f) da protiv njega nije pokrenut krivični postupak i potvrđena optužnica u skladu sa zakonima o krivičnom postupku u Bosni i Hercegovini;
- g) da se na njega ne odnosi odredba člana IX 1. Ustava Bosne i Hercegovine;
- h) da nije bio član političke stranke, niti je bio na bilo kojoj poziciji u političkoj stranci na bilo kojem nivou, niti je bio postavljen na bilo koju poziciju u organima vlasti od političke stranke u posljednjih pet godina;
- i) da nije, niti je bio član izvršnog ili zakonodavnog tijela na bilo kojem nivou vlasti u Bosni i Hercegovini u posljednjih pet godina;
- j) da nije disciplinski kažnjavao za teže povrede službene dužnosti.

III SPISAK DOKUMENATA KOJE SU KANDIDATI DUŽNI DOSTAVITI UZ PRIJAVU NA KONKURS

Kandidati su dužni dostaviti sljedeću dokumentaciju (original ili ovjerene kopije ne starije od 6 mjeseci od dana ovjere):

1. potpisanu prijavu na konkurs sa biografijom (obavezno navesti broj telefona i adresu);
2. uvjerenje o državljanstvu;
3. dokaz o stručnoj spremi-VII stepen stručne spreme ili 240 ECTS studijskih bodova, diplome ili nostrificirana diploma (ukoliko škola nije završena u BIH ili je diploma stečena u nekoj od država nastaloj raspadom SFRJ nakon 06.04.1992. godine);

4. uvjerenje o činjenicama iz službene evidencije da ima čin glavnog inspektora ili viši čin;
5. uvjerenje da mu nije pravomoćnom presudom izrečena krivično-pravna sankcija;
6. uvjerenje da protiv njega nije pokrenut krivični postupak i potvrđena optužnica u skladu sa zakonima o krivičnom postupku u Bosni i Hercegovini
7. ovjerene pisane izjave kao dokaz o ispunjavanju uslova iz tačke II podtačke g), h), i) i j) ovog Konkursa.

Kandidat koji bude izabran na radno mjesto direktora Uprave policije dužan je u roku od 8 (osam) dana od dana izbora, dostaviti dokaz o zdravstvenoj sposobnosti za vršenje poslova tog radnog mjesta.

IV ROK ZA PODNOŠENJE PRIJAVA

Rok za podnošenje prijava je 15 (petnaest) dana od dana posljednje objave Konkursa, a objavit će se u „Službenim novinama Federacije BiH“, dnevnim listovima „Dnevni avaz“ i „Oslobođenje“ i na web stranici Skupštine Unsko-sanskog kantona www.skupstinausk.ba.

Prijava sa potrebnom dokumentacijom može se dostaviti lično na protokol Skupštine Unsko-sanskog kantona, u zatvorenoj koverti ili putem pošte u preporučenoj pošiljci na adresu:

Skupština Unsko-sanskog kantona
Nezavisni odbor
Ulica Alije Đerzeleza broj 2, Bihać

s naznakom

„Prijava za javni konkurs za izbor direktora Uprave policije Ministarstva unutrašnjih poslova Unsko-sanskog kantona – **NE OTVARATI**“.

Nepotpune, neuredne i neblagovremene prijave neće se uzeti u razmatranje.

V NAPOMENA

S kandidatima koji budu ispunjavali uslove Konkursa, Nezavisni odbor obaviti će razgovor.

Kandidati koji budu pozvani na razgovor dužni su dostaviti:

- a) prijedlog plana i programa rada za vrijeme trajanja svog mandata;
- b) dokaze o stručnom usavršavanju;

- c) dokaze o godinama policijskog iskustva na rukovodećim radnim mjestima;
- d) posljednje tri ocjene rada koje posjeduju, ukoliko su pozitivne;
- e) dokaze o ostalim kvalifikacijama koje odgovaraju potrebama radnog mjesta.



Predsjedavajuća Nezavisnog odbora
Albijana Trnavci, dipl. pravnik